



Bidasoa - Txingudi

**ARTE DIGITALEKO MUGAZ-GAINDIKO LEHIAKETA  
"IBAI IZENA DUEN HERRIALDE BAT"  
BIDASOA-TXINGUDI 2023**

Bidasoa-Txingudi Mugaz-gaindiko Partzuergoak 2023ko arte digitaleko "Ibai izena duen herrialde bat" lehiaketa deitzen du, oinarri hauen arabera:

**OINARRIAK**

**PARTE-HARTZAILEAK:**

1.- LEHIAKETA honetan parte har dezakete amateur diren artistak, 30 urtekoak edo gazteagoak badira, bizitokiaren edo herritartasunaren alorreko inolako mugarik gabe.

**BALDINTZA TEKNIKOAK:**

2.- Parte-hartzaile bakoitzak LAN BAKARRA aurkeztuko du lehiaketara, arte digitaleko teknikak erabiliz egindakoa. Lanak posta elektronikoz bidaliko dira, egilearen sinadurarik gabe.

3.- Mezu elektronikoaren gai bezala "IBAI IZENA DUEN HERRIALDE BAT" lehiaketaren izena aipatuko da, eta mezu elektronikoaren deskribapenean adieraziko dira aurkeztutako lanaren izenburua, egilearen izen-abizenak, nortasun-agiri nazionalaren fotokopia edo baliokidea, obran islatutako lekua eta kontzeptua, obra egiteko erabilitako teknika eta tresna digitalak, posta-helbidea, helbide elektronikoa eta harremanetarako telefono-zenbaki bat.

4.- Lanak bi formatutan entregatuko dira: bereizmen handian inprimatzeko formatuan, fitxategia jaisteko esteka bat adierazita, eta mezu elektronikoari erantsitako fitxategi gisa, bereizmen txikiko JPG formatuan, epaimahairi bidaltzeko eta behar bezala ikusteko moduan.

**LANA EGITEKO IRIZPIDEAK:**

5.- Lehiaketara aurkezten diren lanek Bidasoa-Txingudi inguruko mugaz gaindiko lurraldeko paisaia bereziak izango dituzte erreferentziatzat NAHITAEZ. Gure lurraldea identifikatzen duten leku enblematikoenak islatzea da xedea, Irun, Hondarribia eta Hendaia hirietako udal-mugarteetan.

**SARIA:**

6.- **SARI** bakar bat egongo da, epaimahaiak aukeratzen duen lehiaketaren lan irabazlearentzat. 500 (bostehun) euroko zenbatekoa izango du, eta Bidasoko Garapenerako Agentzia SAK (Bidasoa bizirik) ordainduko du legezko atxikpenak aplikatu ondoren, egun indarrean dagoen lankidetzahitzarmenaren arabera.

Saria ordaintzen den egunean indarrean dauden atxikpenak aplikatuko dira.

**LANAK ENTREGATZEA:**

7.- Lanak gehienez ere 4 hilabeteko epean bidali beharko dira, oinarriak Gipuzkoako Aldizkari Ofizialean argitaratu eta biharamunetik kontatzen hasita. Bidasoa-Txingudi Mugaz-gaindiko Partzuergoaren helbide elektronikora bidali behar dira ([consorcio@bidasoa-activa.com](mailto:consorcio@bidasoa-activa.com)).

**EPAIMAHAIA:**

8.- Epaimahaia 3 kidek osatuko dute, bat Bidasoa-Txingudi Mugaz-gaindiko Partzuergoko udalerririk bakoitzeko (Irun, Hondarribia, Hendaia); idazkari gisa, ahotsarekin eta botorik gabe, Partzuergoko talde teknikoko pertsona bat arituko da.

Epaimahaiak gehienez 32 lan hautatuko ditu gehienez ere, Bidasoko Interpretazio Zentroan egingo den erakusketa baterako. Lan horiek Bidasoa-Txingudi Mugaz-gaindiko Partzuergoaren webgune ofizialean argitaratuko dira ere ([www.irunhondarribiahendaye.com](http://www.irunhondarribiahendaye.com)). 32 lan horien artean, epaimahaiak lan irabazle bat hautatuko du, eta egileak Partzuergoko hiru hirietako ordezkarien eskutik jasoko du SARIA.



**Bidasoa - Txingudi**

#### **LANEN ERABILERA:**

9.- Erakusgai jarriko diren lanak Bidasoa-Txingudi Mugaz-gaindiko Partzuergoaren eta Bidasoa bizirik Bidasoko Garapenerako Agentziaren, Hondarribia turismoa, Irun Turismoa eta Hendaye Tourisme entitateen, eta Irungo, Hondarribiko eta Hendaiaiko Udalen irudi-funtsaren parte bihurtuko dira. Artistek baimena ematen diete erakunde horiei guztiei irudi horiek hedatzeko eta eskubide osoz erabiltzeko.

#### **LAN IRABAZLEAREN JABETZA:**

10.- Mugaz-gaindiko Partzuergoa izango da lan irabazlearen jabea, eta egoki deritzon moduan erabili ahal izango du, ondore guztietarako, betiere egilea edo egileak aipatuta.

#### **LANEN INPRIMAKETA:**

11.- Bidasoa-Txingudi Mugaz-gaindiko Partzuergoa arduratuko da erakusketarako eta lanak erakusgai jartzeko beharrezkoak diren inprimaketa- eta programazio-lan guztiez.

#### **ONARPENA:**

12.- Lehiaketa honetan parte-hartzeak berekin dakar Oinarriak erabat onartzea eta Epaimahaiaren erabakiekin ados egotea, baita edozein erreklamazio egiteari uko egitea ere. Partzuergoko Presidenteak izango du aurreikusi ez den gai oro erabakitzeke ahalmena.

#### **ARGITALPENA:**

13.- Oinarri hauek erakusgai jarriko dira Gipuzkoako Aldizkari Ofizialean, <http://www.irunhondarribiahendaye.com> webgunean eta Bidasoa-Txingudi Mugaz-gaindiko Partzuergoaren egoitzako iragarki-taulan, oinarriak onesten diren datatik lanak aurkezteko epea amaitu arte.

14.- Era berean, informazioa Bidasoa-Txingudi eskualdeko komunikabideen bidez hedatuko da, baita elkarteen edo Mugaz-gaindiko Partzuergoa eratzen duten hiru hirietako (Irun, Hondarribia eta Hendaia) udalen edo intereseko beste erakunde batzuen bidez.

#### **BESTELAKOAK:**

15.- Baztertu egingo dira lehiaketaren oinarrietan adierazitako baldintzak betetzen ez dituzten lanak.

16.- Datuen tratamenduaren arduraduna: BIDASOKO GARAPEN AGENTZIA SA. Tratamenduaren helburuak: konkurtsoan parte hartzeko izapideak egitea. Tratamenduaren oinarri juridikoa: Sektore Publikoko Kontratuei buruzko azaroaren 8ko 9/2017 Legetik etorritako legezko betebeharra betetzea. Lege horren bidez, Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauak Espainiako ordenamendu juridikoan txertatzen dira. Hartzaileak: datu pertsonalak hirugarren erakundeei eman ahal izango zaizkie, deskribatutako helburuen arabera. Eskubideak: datuak eskuratzeko, zuzentzeko, ezabatzeke eta eramangarritasuna, mugapena edo aurkakotasuna adierazteko eskubidea du, BIDASOKO GARAPEN AGENTZIA SARI idazki bat bidalita, bai eta Datuak Babesteko Espainiako Agentzian erreklamatzeko eskubidea ere. Informazio gehiago: BIDASOKO GARAPEN AGENTZIA, SAn.

#### **INFORMAZIOA:**

**Lehiaketaren antolaketa:** Bidasoa-Txingudi Mugaz-gaindiko Partzuergoa – Ducoureaux jauregia, Hendaia kalea 8, Irun - Tel. (00. 34) 943. 50. 96. 00 - Helbide elektronikoa: [consorcio@bidasoa-activa.com](mailto:consorcio@bidasoa-activa.com)

Irunen, 2023ko otsailak 24.

**PRESIDENTEA, Kotte Ecenarro jauna.**

